

濟寧直隸州志

第 五 本

卷二十七

人物五

計三十七頁

卷二十八

人物六

計四十頁

人物五

孝義

孝友睦嫺任恤六者先王之所以教民而致治之根本也其時一道同風人故不必以孝義名孝義之名自後世始也然一鄉一里之間往往而有為守令者必為樹之風聲以諷示流俗史傳地志必為之大書特書亦此物此志而已夫孝弟為仁之本未有孝弟而不睦姻任卹者也故羅氏新安志凡孝子亦曰義民舊志分孝子

濟寧直隸州志 卷二十七 人物五

義士篤誼者德諸門今統曰孝義其他事實不能成傳者於廬墓得若干人焉曰王果程選劉

汝新及弟汝化湯之任五人見萬歷志秦治世劉元忠

李文遠于割股得二人焉曰徐守繕仕之子見萬歷志

楊芳升旌獎而事實不詳者得四人焉曰張濟

民見萬歷志曰李鳴雷及子耀昇一天啟時旌一曰國朝康熙時旌

姜羽翔見學碑居家孝友齒德並尊有司給冠服

者得若干人焉曰魏遷馬尙賢李斌此又一尹

仲良李文甫徐仕傅守節江瀾王道朱永安以上

十人見萬歷志李材倪宗武崇正時旌劉應時褚登祿援新

唐書之例類敘於篇首云

○段瑀父彥時卒夜露宿墓旁不忍去大雨水暴至瑀伏案下明日雨止過客見而憐之為結廬墓側且遺之粟三年始歸舊志以下孝子

○李守信父母歿家貧鬻女以葬露宿墓側前後六年詔旌其門

○蔣植父銳從征陣亡母蔡氏守節奉姑以孝聞後蔡終植負土為墳築室墓側以上三人並見萬歷志

○錢京字孟常濟岸生為人迂朴謹默父歿終身衰麻不入內室事死如生飲食必薦子旭萬歷戊午

濟寧直隸州志 卷二十七 人物五

二

舉人

○傅光祚性謙厚父歿刻像以事色養孀母備至已

旌獎

按順治五年學碑陰孝子五人曰傅光祚張鳴鶴曾繼祖李維心姜羽翔舊志有其四而獨遺羽翔惜其事實不可得詳矣

○張鳴鶴親在時其年已老及親喪絕粒七日泣血三年未嘗露齒已旌獎

○常省家貧業農母李氏病篤割股愈之省年至七十談笑別親戚無疾而終

○閔萬錦諸生先賢子騫裔也三歲失怙奉母魏氏至孝母病篤萬錦憂懼以醫言嘗糞又還遺金以成母志高尙不仕自號東塾逸民舉德行康熙二十五年大成會石刻有名

○劉泰徵諸生高才而性孝友持已甚嚴接物藹如也以禮出嗣爲人後事養如一撫從弟如同胞鄉黨推爲篤行君子

○曾繼祖事繼母至孝愛其弟無間言母卒廬墓三年已旌獎

○鄒衍洙庠生鏞子也年十三母病危告天欲以身

濟寧直隸州志

卷二十七 人物五

三

代斷指自矢母尋愈

○鄭學弦父爲役夫且老學弦有三兄皆別居弦獨侍父父負他人金弦傭工貿販數歲抵所負父初未知弦稍積貲三兄皆貧不自存乃推貲產與之

○李維心母魏氏以節著祖父母久病維心與母侍疾無怠容病皆愈有司旌表

○潘夢麟母二十四歲寡居後年老患病夢麟割股愈之後夢麟年老臥病子貿易在外子婦徐氏亦割股以愈之人歎爲孝德之報

○段約字文博少慕義好學聞鉅野潘克莊有高行

從之游後克莊卒徐州無子約奔其喪還葬州城東泗水之左廬墓三年未幾舉孝廉凡應是舉者例得重職約獨辭謝曰臣布衣未經事脫或力小任重恐覆餗取戾願試一小邑太祖嘉其意從之授樂清幕職四年年僅三十二謝事歸壽至八十

餘舊志以下義士

○牛黈尙魯府定陶縣主封亞中大夫宗人府儀賓爲人樂善好施輕財重義正德間大饑河決爲患濟當要衝奉命修築民貧役重黈輸粟一千二百石以給工役事聞特賜褒美其後綠林之擾郡守

濟寧直隸州志

卷二十七

人物五

四

修築鍵募勇士以固金湯黈與有力焉

○李斌字伯中諸生聘謝氏女爲室未幾女病癯父母將爲改聘斌不可以故延數年不復議婚終妻謝氏焉

○王鑑庠生嘉靖時議撤文廟聖像易木主鑑以死

拒卒不撤

以上四人並見萬曆志

○李燮字台垣兗州府學生性寬仁與人無疾言忤色急人之事奮身勇爲與姪道陞年齒相若自稚至耄飲食臥起必同道陞老苦日疾燮常扶掖之燮初嚴事長兄而待道陞如手足道陞年八十餘

終變大慟亦卒邑中稱其行誼詳西鄉黃氏古今
人鑑舊志以
下篤誼

○王廷臣字翠華王氏自竹陽先生以後代有聞人
廷臣孝友著聲閭里多隱德教子孫特嚴毅繩趨
矩步無敢踰越卒河督朱公之錫爲作墓誌以子
天眷貴封通政司左通政中憲大夫

○李榮春字泰宇弱冠補博士弟子有聲明農教子
里黨推爲長者早失怙恃孺慕終身敬友兄弟或
有逋負者將鬻女以償榮春立爲焚券凡利人利
物竭力爲之無難色年逾八十子用質與於鄉後

濟寧直隸州志

卷二十七

人物五

五

官至給事中孫曾森立人以爲厚德之報云

○王國賓字正雅鎮裔也幼多能以家貧徒業治生
數奇去而爲吏三考無過退而待除孝友睦嫻力
行不倦晚乃隱居優游田野所居臨運河水暴漲
國賓首倡築堤民受其利子道明舉人道新進士
官至參政贈國賓如其官

○呂鴻禧字若萬濟諸生博學多才有志節尙然諾
談經較藝恒爲衆冠先世有達者鴻禧守清白家
聲兢兢惟恐大墜訓諸子甚嚴晚年家愈貧而行
愈高嘗謂其妻楊氏曰吾不能詭時以求售子孫

當有昌者汝見吾不及見矣尋卒子顯祖兄弟尙幼楊氏賢明能教子故皆成偉器

○孫允泰字美垣諸生骯髒負氣甲申五月李賊偽將軍郭升入濟允泰被執賊令跪厲罵不屈賊忿箠楚交集裸之赤日中罵愈厲或投以瓜果允泰瞑目曰吾止求死何用延生反擲賊面妻趙氏哀求代死久之不解趙隨而呼曰殺則俱殺我豈向汝賊乞活耶哭罵賊亂箠不捨賊感其義并釋之
戊子夏卒

○劉有源字崑麓澤會孫少喜擊劍勇力過人以俠濟寧直隸州志 卷二十七 人物五 六

義聞旣而折節讀書為郡諸生明經不仕天啟中妖賊陷鄒滕西掠濟有原糾眾禦之匹馬前突斬其渠崇正十四年盜起有原家城東荆塚村總練鄉勇賊憚之不敢近濟界闖寇之變濟城投戈降有原遇賊裂背怒罵為所囚將殺之會士民起義殲賊破械出之

按甲申五月十一日殲賊事詳鄭與僑倡義記

○朱文繡字泰寰性孝友淳厚慕節概重然諾太學生文某以六百金假文繡貨殖其家不知某死文繡持橐籍子母還之甲申五月殲賊恢城之役文繡躬先斬關啓門事定而避其名年七十餘卒

○李以莊字肅我前明選貢僕僮好遊俠流賊寇濟
殲偽官頗資其策署總督侍郎潘士良等委以監
紀同知與籌軍事協和諸將懷集兵民戰守方畧
多所設施

國朝順治初大治縣知縣至彭蠡遇盜被害

○李國柱字贊臣亦以東撫幕寮副以莊贊畫極有
能稱後欲用爲營弁辭不就人高之

○楊再震字又生廩生幼失怙事嫡母孝負氣節遇
郡中公事伉直不撓

○劉紳好行善修橋鑿井施義塚賑饑民年九十有

濟寧直隸州志

卷二十七 人物五

七

五有司給冠服爲鄉飲賓

舊志以下者德

○李炯有考德稱一鄉善士授魯藩引禮官

萬歷志

○李燧篤實清潔初爲三河典史一錢不取百弊盡

除居鄉善俗人皆推重

萬歷志

○胡若琦尙義好施設粥賑饑城東姜家橋大工若

琦首倡重修并建義學於青華洞之旁經本州申

獎

○江中漢淳樸篤謹崇正十四年大稔出粟賑貸全

活甚衆

○王仲男梓之子乙卯副榜居鄉端方以孝義稱年

九十一闔學公舉本州表六門

○李經世庠生孝友仁厚推分讓產睦族卹鄰行誼篤摯尤遠易學年九十為鄉飲大賓

○劉宗允樸誠好義施棺建橋貸財還券不矜已不責人為善惟恐人知

○尹先知尚義樂善和熙渾厚誘掖子弟卓然古風居城東尹家營相傳為元步之裔云

按以上舊志時代先後不甚分明今除改入他傳者悉仍其舊

○吳自然娶馬氏生四子而馬卒自然年壯富於財

濟寧直隸州志 卷二十七 人物五 八

人爭欲以女妻之自然曰馬氏歸我二十年無失德何忍令其子謂他人母乎或勸之納妾自然曰妾有子則必滅馬氏子之愛以愛其子吾亦不忍為也人因稱為義巷云

通志○以下新增

○呂信家素封天順間值歲旱又邊郵告警信輸軍粟萬斛詔旌其門子清由歲貢任至代州知州有政聲清之後有宗韶字魯峯者少從三河教諭賈雙泉游賈深器之妻以女中嘉靖四十年舉人不

樂仕進部檄徵之起為泌陽令不滿歲而歸

據碑記

○靳顯字孔彰生而警捷材武絕倫有豪公子辱其

父顯時年十五手格豪於市人莫敢近豪大屈服
乃釋之應詔入貲拜散官諸散官見有司輒被奴
使顯至乃改容禮之卽盛怒徐出一言無不解者
州有大役官吏皆辟匿顯挺身出方畧者數四人
以是服其能晚居相里之鳳凰灣自號鳳灣子以
子學顏貴封中憲大夫吉安府知府據兩城集墓誌
○仙璋字朝用居家孝友人無間言濟城東南三十
里馬家溝有木橋當河之衝水漲卽壞璋捐三百
金易以石橋成於嘉靖三十四年四月子豸以是

年舉於鄉兩城集下全

○江潮字洞之年十三而父龍沒踰年又喪母育於
祖母韓旣長痛其不逮父母也事韓益孝事叔鳳
若父叔卒有遺孤潮撫之成人性耿介非其力不
食非其衣不衣足跡不至城市子東嘉靖十九年
舉人官陝西僉事

○楊清字文玉號逸庵其先元末自礪山來徙童時
有孝行年十六而孤以遺貲讓兩兄自力作三十
年家漸豐兄中落以官銀被逮瓚棄產代償之養
兄嫂終身人有急無勿應有負債力不能償瓚立
毀其券諸子皆爲諸生有盜夜入室執瓚以去子

士基士彥士毅爭赴求代父死盜感動卽釋之嘉靖甲寅以疾卒年七十六士基字百泉嘉靖間以貢生爲魏縣教諭刻紫陽教授廳記於壁與諸生共相砥礪尤深於楊何之易上官欲舉卓異力辭丁外艱歸不出及卒魏士來哭於墓者甚衆入祀魏縣名宦祠著楊何易粹及詩文若干卷子惟煥孫深皆能世其家學參楊洵族兄伯泉傳

○楊思仁字尙德號愛軒事親孝行已一依於厚口不妄言晚歲豐於財有田在班村歲饑舉村賑之隆慶元年卒年七十

○楊思義字尙義號正軒方十歲母牛氏卒居喪如成人事繼母以孝父震病不食思義亦不食壯年喪妻不再娶與兄思仁相友愛子姪十四人自相師友不窺戶外有公事則大者雁行小者魚貫衣帶襜如言必則古遠近稱家法者皆推楊氏云以上並據兩城集

○周汝岐字西山嘉靖時人前學士鄭文炳趙炫等稱其少邁閔凶長能振拔親喪廬墓三年爲作風木餘悲詩以遺之汝岐中丞劉澤堦也子一夔一龍並有孝行一龍別有傳據周氏家傳手卷

○种从韶字瑞我學問淵源有本文品雅潔篤於友誼嘗陳益修爲人所害不避嫌怨爲之經理事載奇報錄崇正丙子己卯兩中副榜著有太易集解

採訪下全者省注

○韓遇時萬歷中以貢入都廷試路拾遺金坐待還之初無德色據舊志科貢

○劉洪字止水號峻石崇正十二年舉人性至孝居近西湖父某愛蓮玩月每夜半歸共必整衣待之母失明左右服勞不假婢妾會試北上遇兄患瘡每夜焚香拜禱同舟咸歎服人或勸以就仕曰吾

濟寧直隸州志

卷二十七

人物五

十一

課業以當民社講學以當讀法何必仕晚年怡情山水濟人之急憫人之難道路橋梁每捐貲修整卒年七十有二子樟字豫章有文名亦篤厚君子

也史外傳逸

○高明復號樂平好古嗜奇淹貫博雅文削刻行踽踽不合時家貧有憐而餽之者拒不受其人曰聊以延生明復曰非義之生何用延爲所居容膝不蔽風雨日遊郊外或步柳陰或眠花徑手舞口吟甚自得也見人則遙避崇正元年見賞於學使應得餼卷至府爲有力者所易明復曰寒士軋余余

讓之豪奪余余不受也因訟於州而事由郡守無如之何竟窮餓而死道事記

○宋可賢字翼直以任城衛籍兩中副榜崇正末授在平訓導以時多故不就歲奇荒陰為施濟甲申流賊至可賢捐家財助餉事平不居其功卒年七

十四採訪下全者省注

○張震前明人輕財好施焚逋券三千餘金以孫為經貴贈中憲大夫

○李鎬前明人歲大饑餓殍相枕輸穀百石以活饑民又捐地為義學資教鄉里子弟之貧者有司上

濟寧直隸州志

卷二十七

人物五

十三

其事給冠帶不受後寄居武城兗州府志

○楊仲字彥和佩之弟也佩見忠義年十四從父經商於

外曲體父志事繼母及伯兄皆得其歡心家故貧

食指甚煩伯兄不克自給仲曰兄既事舉業豈可

以家事累心凡喪葬婚娶悉身任之年四十四卒

兄僕為之狀

○在之琦字子韓孔昭子也年十五補弟子員甲申

五月倭父殺賊復城有功馳露布至江寧福王授

以總兵官劄付會

國朝定鼎之琦歸里先是遠祖任子祠遭兵火僅存

度批孔昭具呈禮部重建一切奔走鳩工庀材皆
之瑛任其勞恢復侵佔祭田十八頃父奉水漿不
入口者三日泣血目幾失明以次貢成均奉親不
出以孝友推重鄉里

○潘好儉字允慎箕之曾孫祖從賢父特昇皆有名
庠序好儉弱冠能文爲諸生明末寇至奉祖母及
母避村中寇夜攻所居樓好儉自牖躍出集鄉勇
挺戈赴之賊疑援兵至解去母疾篤割股以愈兄
洙有僕懼罪伺其夜臥扃戶焚之好儉夢火烙其
膚驚寤起見兄室火奮入援之出指髮皆焦有劉

氏婦寡族人利其產逼嫁之好儉計產值給其族
人劉氏節得完鄰人張氏子貸人金不能償將鬻
其妻好儉代爲償之築草堂於東郭著大易卦變
讀史錄性學闢異甲乙詩集質言編音律考韻律
正訛諸書卒年五十七以子應賓貴封翰林院檢
討當病革時誡子曰貴不可久居名不可多取喜
事者厲之階負氣者悔之萌貪功不如去過巧出
不如多藏學者稱端白先生云據李澄中艮齋文
集端白先生傳
○邱岳字敬山濟寧人幼孤備感親母子不能存活
吳客施某憐之携歸洞庭因冒其姓及長習木工

自食忽忽孺慕枕席時沾涕淚痕授室後卽約衣
節食爲尋母計明季間行求訪以流寇梗道而還
國初再訪不得康熙丙午復禱於神誓不見母不歸
至則窮詢博訪一日遇小兒憇道偶與語言某莊
有老媪因念子時時泣下岳心動亟往母子初不
相識因自陳憶孩時母方烙餅兒倉皇取食湯火
成癡伸掌宛然相持慟哭時母年八十岳亦六十
矣載歸洞庭孝養終身

吳莊卹孝子傳
見蘇州府志

○潘起鱗字溥澍州諸生崇正十五年李青山之亂
號召數十萬分據韓莊等八廂運道爲梗所至焚

濟寧直隸州志

卷二十七 人物五

齒

掠起鱗親率鄉勇與道標王定河標張永昌撫標
李茂鎮標劉源清等直搗其巢於梁山濼事平廵
按陳昌言敘功題授都司僉書未履任而明亡

據劄

○熊士偉字卓然侍親疾衣不解帶撫幼弟盡友愛
會捐金修學宮歲饑出粟以賑貧之順治十六年

登進士旋卒

史外
傳逸

○程漢字獻素先世河南人南渡後居徽州祖某官
廣平自廣平來遷僕七歲能屬文年十六補弟子
員爲人慈祥樂易輕財好施明末歲祲流亡載道

出藥餌救疾收暴骨卹饑寒賴以存活者甚衆順治中以貢生授樂陵教諭因疾未就日以經史自娛成就後學年七十餘一日晨起肅衣冠拜家祠端坐而逝鄉人思其德刻像祀之

○張士藻字抒采爲明勛裔世居濟西馬房屯年十九與兄士蘊同補弟子員性純孝明季寇至士藻奮力躍馬率諸少年倉皇赴警寇引去始終不敢入其鄉先是有人以危言阻之者曰父母罹難子忍獨生乎歲辛巳父疾衣不解帶目不交睫者三閱月父病且死抱持痛哭竟日而父得復生人皆謂

純孝所感云父好施曾焚券三千金父歿有于某陳某以所負來償却之曰券已焚矣先人志也年五十八卒子爲經爲綸俱幼妻左氏苦節訓子成立爲經貴贈父如其官左封宜人

○蘇成宗一名成功州東關人以負擔爲生遇土寇攻城西北隅不利轉攻東南東南城下有濠濠外爲新學顏墓墓外復有重河繞之河東又有民居爲障因不得驟臨城下有數人乘屋窺河鄉人多驚惶欲潰成宗偏袒大罵拋磚石擊之賊挽弓齊射射則隱避之射止拋磚石如故有一老叟一幼

童運磚石佐之時鄭與僑守東南樓遙見之曰此
一人傷大事去矣呼之來問其姓名汗喘不能出
聲旁人曰蘇成宗也犒以金錢搖首不受喉間隱
隱曰原不爲賞但欲護城旁人代領受復摩掌而
去時近郊之民多避難牛馬牆邊先誘之守河無
應者見成宗得賞羣趨至取戶扉爲寨移時百堵
俱興城賴以完共上其功於總河黃希憲改名成
功特疏優敘給守備銜未及拜命明亡

○許樹德字心吾少孤事母孝苦貧棄儒而賈家道
遂隆隆起許氏族居在城十四里者明末賦役不

均不勝其擾乃經營慘淡均之于南九中五里族
甚賴之而不言其功立家會以聯宗支歲時祭掃
之餘以供徭役置義學城西延師訓鄉黨子弟擇
其佳者厚卹以成就之曾受揚州太守任民育千
金之托民育殉節後遺孤不知也甚落魄故人皆
不之禮樹德出千金爲經理生業分宅與居故節
士鄭與僑稱其爲一世人傑云康熙壬子冬無恙
卒年七十四

○盧行濟寧人父廷輔以康熙十三年爲異母弟廷
獻毆死行尙幼穉及年十五其母劉氏病不起諸

以父死之故令長大爲父報讎行泣涕受教時廷獻避居金鄉行以孤孱未敢輕發乃僞與廷獻子阿黑和好若忘前事者廷獻信之康熙二十九年七月初八日廷獻醉臥行抽刃刺殺之自縛詣吏吏稽前案其族盧得捷盧廣居等詞証皆有左驗巡撫獻上下法司核擬照祖父母父母爲人所殺而子孫不告官司擅殺行兇人者杖六十律熱審減等笞五十一時公卿士大夫無不奇其行者居易錄

○靳亨運字際熙監生體貌凝重性明決鄉里有爭濟寧直隸州志

卷二十七 人物五

七

短長持可否者累日夜不絕亨際一語立解退無異言十一歲時喪父與祖哀毀盡禮又嘗割股以愈母疾族屬子弟之才不才者視其能否高下成就之其能識字通經傳者尤加意館廩弗倦康熙三十六年卒年六十七劉淇志其墓

衛園集

○王德新字躋聖順治初州學生輕財樂施修橋梁治道路施湯粥捨棺木置義塚善行不一而足尤精堪輿工書法詩宗元白著有且逸堂集

○閔大成字集公滋陽貢生居於濟之東關楊家垣爲澆酒交會處垣之東南聚家園其地汗下居民

恒苦水大成輸貲增立減水牖隨時啟閉水患以息知州吳樾嘉其績旌曰功資列濟里老至今傳

頌弗衰

吳樾牧濟嘗試錄

○張漢栩字枚荃耀采孫也事母以孝聞好善樂施凡所欲爲悉能先意承志以廣其惠弟僉僉卒遺孤在抱飲食教誨視猶己出孤撻險症卽憂鬱成疾幾至不起後以貢生歷武城濟陽訓導

○孫承祖字奕修康熙十六年舉人性至孝砥行礪節郡丞任璣有知人鑒嘗曰吾官濟久得兩端人焉一鄭司李一孫孝廉也居恒集一聯自警云常

濟寧直隸州志

卷二十七

人物五

六

存敬畏方爲福官賜箴規卽是師又云莫厚結他人親戚視若陌路勿義交異姓兄弟忍爲闕墻人以爲格言

○朱士璉字貴生年三十五無子康熙二十三年於汶上旅舍得遺金五百兩待之越宿失金者至詢其實還之逾歲生子釗士璉年九十六無疾卒

○張世思字少懷以孝友聞讀書識大義甲申兵燹田廬盡荒乃負米江淮時父母皆九十餘白髮萊衣有天倫之樂與兄共爨七十餘年康熙四十六年

聖祖仁皇帝南巡世思年九十有三乃扶鳩迎

駕溫語注問

賜五穀一撮五十二年恭遇

萬壽覃恩以子如緒貴 贈朝議大夫

賜御書人瑞堂額建百歲坊年一百一歲卒祀鄉賢

○宋士正字砥柱康熙三十八年舉人品行端方學問淵博濟上文士多出其門雍正初奉孝廉方正不就有提學陳某之子赴京就職寄房價千金陳去十餘年始來取士正立與之封識宛然補密雲知縣以年老未赴

濟寧直隸州志

卷二十七

人物五

九

欽賜內閣中書閉戶潛修課訓子弟

○任廷鈞字公權年十七補府學生旋以貲入國子監肄業三年事母孝一飯一飲必恭敬五十年如一日父之瘡廣東布政司經歷署新會縣卒虧帑三千金廷鈞多方補苴喪始得歸嘗首倡捐修鄉賢祠舉孝廉方正不就年七十卒

○神承述號鱗舟先賢仲子六十三世主聖孫少以龍詩顯齊魯所稱陪尾山人者也康熙四十二年游饒出所存泗水修廟穀以賑族黨念戶丁租稅多遺次悉蠲除之鄉人爲勒石頌德雍正二年行

召命陪祀

賜御書勇行貽範四字

○仲承乾字允健州學生以先賢裔

恩賜州同知母嗜鷄腊乃多蓄以供膳自誓終身不食鷄
康熙四十二年及四十八年歲大饑盡散家儲給
族黨壽至八十二

○邵元燕字念翼士標子年五歲喪父哭欲絕者三
事母以孝聞補弟子員貢入國子監嘗分已田二
十頃贍族修復祖康節祠年七十餘卒

濟寧直隸州志

卷二十七

人物五

辛

○范塘字洪渠運學生工書法性至孝方適遠館聞
父病卽歸則已垂危矣因虔禱於神願減己算十
年以益親壽父病旋愈果十年而卒

○戴預字杜公諸生景韓子十歲而孤事母如成人
而質魯因母紡績含淚夜讀書拮据薪水諸父憐
其困意令改圖預毅然以先業不可棄攻苦益力
年二十二入州學母沒哀毀三年不見齒一切遺
產毫無爭較甘貧自得乾隆十六年無疾卒年七
十一子有臨亦諸生居兩親喪營席爲廬苦塊其
中三年不御酒肉卒年五十餘

○鄭璠字超萬少貢成均例得授職不就與人言
然如不出諸口而慕義篤行齒高德劭鄉評至今
推重

○靳秉瑞字輯五翰林院待詔敦親睦族救困扶危
鄉黨義之

○宋愉字婉齋有操行雍正十年舉人舉國子監學
錄不用以廣東香山鹽場大使終曾館于兵部侍
郎王承堯家卽舉主也王卒于邸愉爲經理歸其
喪

○許承乾字用六府學生制行醇篤有兩弟欲析產
濟寧直隸州志

卷二十七 人物五

三

涕泣止之不聽乃自擇其地之下者甘自淡泊人
服其友愛

○孫丕秀字芝三州學生幼以孝友聞規言矩行精
易理爲閭里所推重敦宗睦鄰一鄉稱爲祭酒卒
年八十五

○王銓字君選候選同知生三歲而孤母劉氏苦節
撫養銓先意承志色養兼備銓忽病危囑家人曰
吾幼喪父今母在不克盡大事死當以衰麻歛是
夜夢一道人自云陶瓦善治之次日漸愈嘗秋夜
見月華默禱母壽果至九十六乃終次年銓卒年

七十七內閣學士黃孫懋贈以聯云百歲慈顏傷
沒世八旬孝子慕終身

○司馬秦先賢司馬牛七十二代孫賀家橋人樂善
好施有友王景如親老家貧卽贈以二十金爲買
易資又有張秉公貸錢二百貫歲歉知其不能償
卽焚其券乾隆十三年大饑出穀數十石以賑鄉
里于李家河灣置義田一區親族往往待以舉火
以高年蒙

皇恩數次乾隆三十三年年一百有三無疾卒

○李茂桂字聞遠家貧能盡孝養親沒廬墓三年每
濟寧直隸州志 卷二十七 人物五 三
食先焚香祭奠雖疾風甚雨無間雍正十三年里
人解廷楫等爲之勒石墓側曰李孝子廬墓處在
城北十里鋪北

○王鑿字朗亭年將五十浮沈不售會乾隆改元加
科取士而鑿叔大綬新總開化鎮乃用官籍中式
鑿以老生住省觀榜因期於必得矣三年挑選鹽
場旋爲浙東鹽課大使又十餘年卒官鑿天性友
愛自舌耕逮祿仕與弟鈞均衣共食未嘗刻離至
赴泐命弟攜眷往延名師爲姪授經課藝課必親
閱其姪學成名立實鑿之力也

○王鈞字允平號一齋甫生而父遊粵西不歸鈞幼有孝童之目見母色慍每跪謝請故侍疾目不交睫衣不解帶少長卽授徒束脩奉甘旨當五六歲時每念父至忘寢食獨坐或凝目注視恒不樂見母則改容以嬉雍正二年年二十六揮涕別母與兄鑒子身冒瘴癘詣父所父已衰病左右需人見鈞至喜且泣曰爾乃能如是無何母訃至慮父知恒之野仰天號哭居五年父沒欲歸資不足人難之鈞曰不行資且盡寧盡於半途去家已近矣扶櫬就道資乏輒有意外緣竟萬里持喪還戚里聞

之莫不流涕營葬乏力爭贈之木槨令擇之爭割以地令卜其吉者一切所需不期集至其自粵歸也至漢陽幾困忽得便舟比他特駛數日達邗上易舟舟僅容櫬鈞別舟適後正憂慮間舟忽疾若矢瞬息尾前舟若有神助諸名公巨卿多歌咏其事贈以詩文孝童名振南北耄而好學暗誦文選六臣注一字不遺年八十卒戊戌六月某日也子如通如凝如疑壬午舉人

據鞠遜行王孝子傳

○王永清字用予歲貢生父印曾祖惠曾祖幾昌世有文學耆德見重於鄉里王永清讀書好博覽爲人

和易又慷慨好施與周邱鄉黨成人之美樂善不倦年五十五卒子四伯愚候選府同知仲愚右贊

善叔愚季愚候選州同

據墓誌

○高濂字洛賓歲貢生天資孝友品行端方為里黨所欽性恬退潛心經籍好吟咏有詩一卷

○巫炳字旭南州學生教授生徒以供甘旨父每赴集市炳必迎於數里之外為父負重而歸雖風雨弗怠父卒哀毀泣血常苦塊粗食對人多戚容母入旬疾病炳衣不解帶者二十餘日炳亦病昏瞶中猶切切以母為念及母歿忽大言曰母召我矣

濟寧直隸州志

卷二十七

人物五

五

遂卒年六十三

○許天載從軍隸河督麾下性篤孝父病危思肉餅天載禱于城隍神潛割股肉為餅以進父旋愈又

七年而卒諸女士皆賦詩贈之乾隆三十二年卒

○李麟監生明文學多才之後性孝友三世不析箸客于吳門有二人共負其千數百金或勸之訟曰以財興訟我不為也鄰人侵其墓田數畝即推與之又復其先世抱甕園故址公之族人敬禮稽古之士治家有法子元坦乾隆三十七年進士

○趙燦字叔鑑國子監生先世徐州人始祖彝明永

樂時以功封忻城伯世襲國督高祖之麟崇正時
爲前軍左都督李自成陷京師死之曾祖鍾偉仕
國朝爲靈邱縣以清節著祖紹裘自徐徙于濟燦以
次爲叔父聰後聰早卒嗣母喬守節撫孤燦至孝
家雖貧必竭力以供甘旨母病篤禱於天願以身
代割股以進母病遂愈或稱其孝赧然曰肌膚毀
傷不孝之大者顧不規我而譽我乎母不懌則長
跪謝罪母命之起曰兒有罪何敢起俟母笑然後
起耳母爲之笑起則奉盤匱潔滌灑諸益加謹母
大悅一生無詭語非義一介不取鄉里重之年六
十餘卒子二景堂國柱皆諸生

濟寧直隸州志

卷二十七

人物五

五

○趙燮字伯調燦從兄也父病割股肉以進母病嘗
糞甜苦人稱其難年六十餘卒子華堂滋陽縣學
生員

○常德修貧而尚義撫友人孤李某如已子李已成
立而德修貧不能自存乃販鴨爲業及卒李與所
知某合錢棺殮而葬之鄉里扁其廬曰友義可風
○靳高山字魯鄰舊族也以勤儉起家輕財尚義敦
睦宗黨歲暮每懷資以周親族之貧者數十年不
倦卒年七十

○高自成字廣業重然諾好施予以信義見推於鄉里與盛某賈出納以千萬計盛不過問曰法有欺人高廣業哉賈十數年盛息百倍而自成不營尺寸人服盛之知人濟人之急雖貧必方鄉黨有爭自成至立解不可解則出已財解之善遇小人有無行某與其僕忤以手破面作膚愬狀聞爲自成僕大慚亟自滌其面而詣門謝罪好翰墨學書自夜達旦不倦課子如岱嚴必使從明師束脩之供與素封等嘗謂岱曰吾無以爲孝惟修德謹行不敢辱先人耳汝勉之年六十九而卒岱廩膳生端

方純粹學有本源人以爲盛德之報云

○李廷銓字蕙如附貢生乾隆十二年捐資二千金修大成殿又重建儒學文昌祠樂善好施多義舉以子某貴封奉政大夫卒年八十四

○馮士彥字夢詹號潛竹好善樂施曾倡修北郭通衢石路雍正八年大水露處者百餘士彥周恤之興建育嬰普濟二堂妻柴氏亦脫簪珥助之刻達生編及正心勸孝戒殺等文行世鄉黨以惠濟徵淳顏其室兗州府知府王守震旌其門曰樂

墓三年祇棊兩兄終身如一日問學八舉入祠

○李光襲金鄉人十世同居太平興國二年詔旌其門宋史

○孫孝子不知何人有人旌表孝子門石坊在金鄉

東街元至大一年御史康甲夔立縣志

○高義金鄉人弟騰為賊所執索財不得將殺之義

奔謂賊曰家必在我非弟所私也賊遂釋騰執義

竟無財以應而死韓大司馬為作義士傳死州府志不全

○劉富金鄉人正德五年流賊入邑富父為賊所執

索其少女富奔謂賊曰吾妹避山中釋父執我吾

妹可得賊信之富伺其父去稍遠乃望其父大呼

濟寧直隸州志 卷二十七 人物五 宅

曰吾以死當之勿使吾妹辱賊賊怒殺之

○李春金鄉人母死廬墓三年覆土增培風雨不避

○秦旻金鄉人祖部儒士母故廬墓于城南三十五

里服闋有司申憲旌之匾其門曰孝子縣志

○郭囊字隱之金鄉人按察使東藩之父為廩生有

文名夜被盜以身脫父於難母病疽吮之即愈以

子貴受封人有犯輒不較卒祀鄉賢祠縣志

○胡洞字本肅金鄉人事繼母以孝稱博學能文藝

林稱重後以子法桂居吏部杜門謝客無敢干以

私晚好靜坐無疾終祀鄉賢死州府志不全

○周大備字文郁諸生侍父母疾備極勞瘁友愛幼弟讓宅以居遇橫逆不校置產贍族凡利濟之事力能者無不爲以子永春貴受封祀鄉賢

○周濟生字魯愚金鄉人浦縣教諭少孤事嫡母生母俱得其歡心母病危醫曰病者糞苦則可治濟生取嘗之喜曰味果苦醫感其孝盡心調治旋瘳

○李守經金鄉貢生父病露禱請代白蓮教之變捐重貲募勇士以備捍衛弟守緒貢生孝友任俠一如其兄出困粟活饑民無算人稱二難縣志

○江荆金金鄉人以貢生考授訓導幼失怙事母四十餘年未嘗退食私室弟淮金逝遺一子撫之出惡痘焚香夜禱以已子代人稱文行並優云縣志

○李貞吉字慶寰金鄉壽官慷慨好施甲申流寇薄城助硝黃三千餘觔城賴保全縣志

○周鑑字鼎和 金鄉拔貢生父永春撫遼東祖母以年高不能往 鑑克體父志代盡子職撫諸幼弟恩義兼盡里中 吉凶婚葬不能自振者分財給之城垣壞捐金助 修百餘丈歲大饑出粟煮粥全活甚

衆子溥字悉 涵拔貢生名噪藝林以父年高絕意仕進季父早 世季母殉節無嗣爲之立後分已產

與之兄早歿撫其子如已子卒年八十有一

○高潔字賓宸金鄉人順治初貢生幼即能文十五

為諸生初明末流寇充斥從邑當事守城散金給

粟執械登陴城卒以全父遠厲疾籲天請代父尋

愈仲弟天撫其子女如已出族中貧不能娶者助

之不能葬者殮之凶歲散粟全活甚衆子陽字乾

晞諸生性篤孝友父好客時與親燕集及慕陽必

執燈持轡候立門外寒暑雨雪無間叔父早世撫

諸弟不啻同父又嘗奇藥濟世壽八十二

○周昌圖字啟美金鄉諸生童時聞父病京邸往迎

濟寧直隸州志 卷二十七 人物五

之事母孝自奉甚儉濟人之事揮金不倦

○李化濂金鄉學生母歿居喪盡禮自是共父卧起

晝夜不離側父卒竭力營葬慮墓三年終身不復

御酒肉臬使以孝思純篤匾其門

○鄭之彥字京儒金鄉庠生幼失怙事後母馬氏孝

與後母弟友愛撫之成立田產屋宅惟弟所欲學

行醇篤非公不至邑令重之為旌其門

○周世璽金鄉縣人康熙四十八年鄉魁幼孤事嫡

母生母兩得歡心母病焚香哀禱願減已算益母

壽居喪遵古禮三年未嘗見齒著書纂要先儒姓

氏譜祀園詩稿藏于家卒入祠祀

○楊以元金鄉增生少孤事母以孝稱喪葬盡禮廬墓三年乾隆元年舉孝廉方正五年建坊旌表

○蕭梅字耿夫金鄉人雍正十三年舉人事母晨昏定省歷久如一日嘗與楊致和懇當事免歲修河料費鉅萬邑丞賴之教授生徒受業者半于邑中著有樂志堂詩集以壽終門人為之營墓

○荆宗暉字振魯金鄉人七歲失恃每撫板長號殊不欲生賴兄嫂撫恤成立繼母郭多病性甚躁父怒暉委曲排解郭嘆曰此吾小孝子也析產二頃

濟寧直隸州志 卷二十七 人物五

分已膏腴三十畝宅一區贈兄子女兄嫂老病侍湯藥營殯如事二親遇歲大饑有魚蟹少女隨兄嫂乞食村中因收育之數月後有疥癩匍匐踵門者繼續死矣年亦幼叩之則前女夫也復收療之即為成婚次子國楨乾隆十七年舉人

荆兗州府志誤劉今從縣志

○陳豆字孔廉金鄉學生少失怙哀毀盡禮非歲時祭掃終制未嘗出門戶及歿事繼母無異生母祖事老飲食寢興必左右于其側十年中不歸私室鄉閭欽之咸奉為楷模焉

兗州府志

○侯慶嘉祥人母歿廬墓三年負土築墳種瓜豆皆有異花鄉人以為孝感時同邑馮大勝亦以廬墓稱孝云

○石福嘉祥人端謹忠厚為社老人晨行宅後見青蛇蜿蜒地上尾之至一處蛇入土中不盡者數寸變而為錢福曰於官掘之得錢數百萬官以數萬給之辭不受為表其事記旌善亭

○楊蘭字世馨嘉祥人儻有膽氣而諳法律正德中山東提學趙鶴性偏執所黜士且萬人蘭走京師上書天子言鶴不法狀天子命巡按張羽覆校申復逾半後多以功名顯者時議斬松亭古北居庸三關材木蘭抗疏切諫事得寢時論壯之

○王子玉嘉祥人四世同居有司表其門

○梁心始嘉祥人縣學生事親孝居喪過禮服五年始除至墓必百拜人或非之心始曰吾自盡吾心非為人也先王之禮吾雖過之不猶愈於不及者乎五世一堂年登百有一歲康熙六十一年建坊旌表

○魏遵魚臺人魏宣養子也一日寇至遵避他所賊得其弟遠將殺之遵即出告曰遠尚無子殺遠則

父絕嗣願以身代賊遂殺遵遠免

○楊敏魚臺人正德間流賊入境執敏父敏挺身求代賊感其孝俱釋之

○孫衍慶魚臺人庠生事親以孝聞時榆賊破城衍慶扶母走爲賊所執給之曰第釋母有厚資在家賊信而釋之與俱歸時父概在室跪泣曰兒不得葬父矣稽顙流血賊察財無有殺之

○朱明善魚臺人食餽縣庠遭流寇焚劫之變父母樞俱燬室中明善攀號不能救投井死

○劉恒修魚臺人以例貢入太學弟早亡撫其遺孤

濟寧直隸州志

卷二十七

人物五

三

允遠逾於己子家貧以授徒贍食端方嚴謹一時庠彥多出其門土寇陷城抗賊而死

○王法湯魚臺人崇正十四年土寇掠穀亭父嘉言肘間縛十數金攜法湯出遇賊搜金以爲富翁也縛而撻之法湯跪泣求免賊不聽撻嘉言至死法湯泣罵不已賊怒支解焉時年方十餘歲

○馬觀光字百始魚臺人少失怙事母最孝游泮後以優等舉德行登崇正乙亥中式第三人出推官李伯芑之門未幾李備兵于曹有指揮某得罪懇光書爲解光曰出有罪失法失法則師病何以安

窮寒耶辛巳邑大饑光傾倉賑濟全活千餘人宗
黨中有貧不能婚葬者悉任之晚年教授生徒著
四書守約古文宏書古今事實紀聞諸集卒年七
十一

○朱之玉字席珍魚臺人少失怙事母最謹流寇之
變屢被執卒以孝名得免迨之玉成進士觀政刑
部卽具疏自陳母節奉

詔建坊

旌表知藍山能本孝友以治民母卒遂終身不仕

○劉芳奇字遠馨魚臺人例貢貌魁梧善騎射時天
下初定探丸者白晝盈于路芳奇率衆巡徼鄉閭

濟寧直隸州志

卷二十七

人物五

三

恃以無恐一日羣寇圍商旅於百里村奇聞之縱
騎馳至發矢殲其渠魁餘賊懼而逃歲饑解千金
濟貧康熙初河決牛市口城夜潰芳奇造木筏以
拯溺者所活無算卒年八十五

○劉肅然字靖宇魚臺人父宗文有勇畧爲土賊金
二黑所殺肅然方十歲日夜飲泣年十七覓利刃
藏懷中一日遇金子道突刺之刃出于背遂自首
有司廉知其情得末減曲阜陳果齋爲作劉孝子
傳

○劉維本字華吾魚臺人明末榆賊破城母被執

哀請代死賊感而釋之後舉鄉飲賓弟維亨事兄甚謹嘗於逆旅中拾遺金二百七十兩爲候二日還其主亦舉鄉飲賓年九十八無疾終

○房辰魚臺恩貢生學問淵博五經諸史皆精研得其要領家居以孝友稱其他建宗祠修學宮義所當舉無不竭力爲之歿祀鄉賢

○梁重寧字汝均魚臺廩膳生親歿竭力營葬廬墓獨居三年邑令旌其里爲文紀之

○趙諫臣字從侯魚臺人俊監性孝友太守吳頤以因心致孝顏其門兄早歿撫兩姪無異已子析居

時以田產之膏腴者悉畀之康熙癸未大饑諫臣出粟賑貧按戶給糧所活無算大河以南爲滕魚孔道冬初水落車馬經其地輒陷淖不得出諫臣修路數里并建石梁土人碑以誌德焉

○楊斌字豹文魚臺南陽鎮人性篤孝勇於爲義雍正巳酉大火被災者數百家斌按戶出粟無親疎悉贍之乾隆初河決石林口魚邑爲墟斌復出所積拯救困乏又多募舟楫通人往來水退卽捐修道路闡邑咸頌其德焉

劉廷璋字贊公魚臺庠生少失怙依母成立母病

侍奉湯藥衣不解帶者數年延璋少有羸疾體不勝衣母愈而璋遂不起矣以不能終養爲憾旣卒目不瞑聞者悲之

○王汝勉字懋菴魚臺俊監叔父母餬口於外絕音問者二十年汝勉訪諸永城得之迎以歸從弟妹悉爲婚嫁一日行豐邑道上有婦人號哭而來者詢之則賣女以葬其夫也汝勉贈以金不通姓名而去

○馬美紹魚臺人以忠厚著於鄉里自曾祖以下七世同居

○謝富德字賓如魚臺人性仁厚樂施與宗黨中有貧乏者矜恤之無倦色有李氏者聘某女未婚其母鬻於外將鳴官矣富德解貲贖之他如修葺橋路施衣施棺之舉歲無虛日邑宰以利濟存心扁其門卒年八十三

○金魁字殿卿魚臺人家貧而勇於爲義一日貿易徐州止逆旅中聞有夜哭者聲甚哀詢之則欲賣妻葬親者魁憐之罄囊以贈全其夫婦焉

補遺

楊宗聖字孔章監生州之南城人性儉素然遇人急難求無不應族有婚喪及孤寡不能存立者尤加意周卹之修橋平路之事無不與常不居其名沒時猶出一千七百元按族屬之遠近食指之衆寡分贍之弟宗賢字憲章篤於孝友鄉里稱善人捐膏腴二十餘畝為義塚在城南二鋪

劉小懷逸其名弃儒為賈遠近莫不服其信義鄰里鄉黨沾其惠者甚衆劉汝不輕與人獨敬服之其門人有為賈者謂之曰能如劉小懷雖聖賢不

濟寧直隸州志 卷二十七 補遺

三六

過如是州人云先後有兩劉小懷此則前一人也未知然否

孟德仁里中稱為善人不及其字故字不傳其先子明初自洪洞遷濟至德仁十一世幼事嗣父如至孝不與群兒戲及長即留心善事家不豐而有道路橋梁廢壞者輒首倡修之已巳歲饑煮糜糜以食行乞頗賴以全里有爭搆訟者每云不可令孟善人知精于挾彈發無不中而未嘗彈生物晚誦金剛經寒暑疾病不輟乾隆己卯無疾卒年七十九同里蕭梅誌其墓題曰孟善人蕭亦好善施有義塚地若干畝在州東南鄉

採訪

○章文倫字秀生監生州之東關人年十四喪父居喪如成人事母色養兼至性謹恪好施予戚黨有不克婚葬者必竭力助之精岐黃堪輿之術祇以濟人爲心處強暴橫逆忍讓不校及歿鄉里猶稱頌不衰採訪

○許毓秀字韞芳爲任城舊族少貧窮事父母以孝聞長權子母信義不欺致家漸裕及親終附身附棺能竭其力毓秀兄弟四人兄毓奇弟毓琳毓時皆早卒 父復垣易簣時毓秀曲體父愛幼孫之心自出銀二千二百兩爲兩孤姪生息仍食之十餘年及兩姪成立後乃並息金數千兩付之俾立室家焉於丙寅歲又蒙

學憲錢 恩賞克敦孝友四字旌其門

